

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 757 del 09/04/2024

Neva edizion ajornèda de la storia di ladins de la Dolomites

“I ladini fra tedeschi e italiani” de Luciana Palla, en vender la prejentazion del liber

[Ladino] En vender ai 12 de oril da les 5 domesdì te sala grana del Istitut Cultural Ladin "majon di fascegn" a Sèn Jan, te Strada de la Pieif 7, sarà la prejentazion del liber "I ladini fra tedeschi e italiani. Una comunità di confine: Livinallongo del Col di Lana/Fodom 1918-2023" de la storica ladina Luciana Palla da Fodom. La publicazion, portèda dant te na scontrèda co la autora delaite da la scomenzadives de l'Aisciuda Ladina 2024, la conta de la posizions toutes, de la ilujions, de la speranzes de la comunanza de Fodom, e de la strumentalisazions politiches padides dessema con la autra valèdes ladines de la Dolomites fora per la pruma metà del Nefcent, contèdes dal daite de sia comunità da la scritora medema.

L liber - dat fora da Cierre Edizioni adum col Istitut Cultural Ladin “Cesa de Jan” del 2023, giusta 100 egn do la spartijon aministrativa di Ladins te 3 Provinzies e 2 Regions desferentes - l è la verscion smaorèda e agiornèda de na edizion più veia, che la tol ite i egn dal 1948 a anchecondì respet a chela del 1986. Se trata de na opera zis de valuta che la à dat l met de studièr la storia del popul ladin de gra al rigor scientificich recognosciù de l'autora.

La opera, portèda dant da l'Union di Ladins de Fascia e dal Istitut Cultural Ladin Majon di Fascegn, la conta de la posizions toutes, de la ilujions e de la speranzes de la comunanza de Fodom, col meter dant ence la strumentalisazions politiches padides dessema con la autra valèdes ladines de la Dolomites fora per la pruma metà del Nefcent: co la Gran Vera e l passaje da l'Austria a la Tèlia, la opzioni, la Seconda Vera e i egn do la vera, ruan al svilup economich e ai tempes de anchecondì.

Luciana Palla ge va do con n eie ascort al nascer e al mudèr de na coscienza identitèra che alidianché i Ladins cognessa fèr amò sie per ge vardèr con gaissa al davegnir.

(S.Ra.)